

**Na osnovu člana 28. Statuta Udruženja “Freelance” u BiH, Skupština Udruženja na sjednici održanoj dana 10.07.2021. godine, u Sarajevu, donosi**

## **O D L U K U**

### **O IZMJENAMA/DOPUNAMA STATUTA**

#### **Član 1.**

Ovom odlukom usvajaju se izmjene o dopune članova 22 i 28 Statuta, te dijelova VII i X Statuta, a koji se odnose na organe Udruženja i javnost rada istog. U spomenutim dijelovima se dodaju novi članovi, tačnije u dijelu VII članovi 33-39, čime se mijenja redosljed članova počevši od VIII dijela koji se odnosi na komisije i radna tijela, pa kroz ostatak Statuta. U dijelu X se dodaje član 46.

#### **Član 2.**

Član 22. Statuta Udruženja se dopunjava, tako da sad glasi:

*Organi Udruženja su:*

- *Skupština*
- *Predsjednik i potpredsjednik Udruženja*
- *Upravni odbor*

#### **Član 3.**

Stavka 15. Člana 28. Statuta Udruženja, a koji se odnosi na nadležnosti Skupštine se briše, a stavke 4. i 13. istog člana Statuta Udruženja, se mijenjaju tako da glase:

- *Bira i razrješava predsjednika i potpredsjednika Skupštine, članove Upravnog odbora, predsjednika i potpredsjednika Udruženja*
- *Razmatra i usvaja izvještaje o radu Udruženja koje podnose predsjednik i Upravni odbor Udruženja*

#### **Član 4.**

Dopunjava se dio VII Statuta Udruženja, a koji se odnosi na organe istog, i dodaju sljedeći članovi te glase:

Član 33:

*Upravni odbor je organ Udruženja zadužen da donosi odluke i provodi aktivnosti Udruženja između dvije redovne sjednice Skupštine, a sve u skladu sa programom rada, finansijskim planom i odlukama Skupštine.*

*Sjednice Upravnog odbora sazivaju se po potrebi i njima rukovodi predsjednik Upravnog odbora.*

*Za svoj rad Upravni odbor odgovara Skupštini.*

Član 34:

*Upravni odbor čini 5 članova.*

*Mandat članova Upravnog odbora Udruženja je 3 (tri) godine sa mogućnošću reizbora u dva uzastopna mandata.*

*Za članove Upravnog odbora mogu biti birani članovi Udruženja koji su fizička lica.*

Član 35.

*Prema potrebi kriteriji za prijem članova Upravnog odbora se mogu propisati posebnim aktom koji usvaja Upravni odbor, a potvrđuje Skupština udruženja.*

Član 36.

*Upravnim odborom rukovodi i predsjedava predsjednik Udruženja, a koji je ujedno i predsjednik Upravnog odbora, a kojeg bira Skupština Udruženja.*

*Mandat predsjednika Upravnog odbora Udruženja je 3 (tri) godine sa mogućnošću reizbora.*

Član 37.

*Upravni odbor ima sljedeće nadležnosti:*

- a) Provodi politiku, zaključke i druge odluke koje je donijela Skupština;*
- b) Upravlja imovinom Udruženja;*
- c) Priprema nacрте Statuta i drugih akata koje donosi Skupština;*
- d) Priprema i saziva sjednice Skupštine u saradnji sa predsjednikom Udruženja;*
- e) Zajedno sa predsjednikom Udruženja, odlučuje o korištenju sredstava Udruženja u skladu sa finansijskim planom;*
- f) Podnosi godišnji izvještaj ili periodični izvještaj o svom radu Skupštini;*
- g) Predlaže plan i program rada, finansijski plan i završni račun Udruženja u saradnji sa predsjednikom Udruženja;*
- h) Provodi i stara se o provođenju politike, zaključaka i drugih odluka koje je donijela Skupština;*
- i) Donosi odluke o dodjeli priznanja Udruženja donatorima i članovima Udruženja u slučaju izuzetnih zasluga;*
- j) Raspravlja o pitanjima od značaja za Udruženje, koordinira i usklađuje rad i aktivnosti Udruženja te predlaže Skupštini način njihove realizacije;*
- k) Vršu druge zadatke koje mu povjeri Skupština;*

*l) Vršiti i druge poslove i zadatke od interesa za Udruženje.*

Član 38.

*Upravni odbor može punovažno odlučivati ako na sjednici prisustvuje nadpolovična većina članova.*

*Odluke iz nadležnosti Upravnog odbora po pravilu se donose konsenzusom, a ako nije postignut konsenzus odluke se donose običnom većinom glasova svih prisutnih članova.*

Član 39.

*Mandat članova Upravnog odbora može prestati i prije isteka vremenana koje su imenovani:*

- a) Podnošenjem pismene ostavke;*
- b) Smrću i gubitkom poslovne sposobnosti;*
- c) Razrješenjem od strane Skupštine Udruženja;*
- d) Ukoliko se ne pridržava Statuta Udruženja*
- e) Iz drugih objektivnih razloga.*

*Inicijativu za razrješenje Upravnog odbora upućuje predsjednik Udruženja ili 1/3 članova Skupštine.*

## **Član 5.**

Redoslijed ostalih članova Statuta se pomjera u skladu sa gore navedenim izmjenama.

## **Član 6.**

Dopunjava se dio X, a koji se odnosi na javnost rada Udruženja te dodaje član koji će, nakon uvođenja navedenih izmjena, zauzeti broj 46 te glasi:

Član 46:

*Izuzetno, opštim aktom koji donosi Skupština može se utvrditi da pojedine informacije, podaci i isprave, predstavljaju poslovnu tajnu. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.*

*Za poslovnu tajnu ne mogu se odrediti podaci koji su javni po zakonu i drugim propisima, kao i podaci o kršenju zakona i drugih propisa.*

## **Član 7.**

Ostale odredbe Statuta Udruženja ostaju nepromijenjene.

### **Član 8.**

Ova odluka stupa na snagu danom donošenja.

Broj: 12/21

Datum: 10.07.2021.godine

POTPREDSJEDNICA SKUPŠTINE UDRUŽENJA

AIDA DELIĆ